

Enfòmasyon pou Fanmi konsènan Menas Resan kont Lekòl Piblik Cambridge yo

Pwen Enpòtan de yon Deklarasyon Richard C. Rossi, Manadjè Vil la, Jeff Young, Sipètentandan Lekòl yo ak Robert Haas, Komisè Lapolis

Anpil fanmi gen kesyon ak bagay ki preyokipe yo de menas kont Lekòl Piblik Cambridge yo semèn sa a. Men yon rezime de sitiyasyon an jiska 5 Desanm:

- Depatman Lapolis la ap travay avèk patnè lokal ak federal yo ansanm ak Biwo Envestigasyon Federal la (FBI) pou yo detèmine oriin menas pa imèl kont Lekòl Piblik Cambridge yo.
- Sitiyasyon sa a se pi gwo priyrite pou depatman polis nou an ak sekirite Lekòl Piblik Cambridge yo. Polis Cambridge ap kontinye bay sipò ak prezans polis an inifòm nan lekòl yo jiskaske yo konfime ke menas la pa vrè.
- Nou kwè ke se menm moun nan ki kontinye asosye avèk imèl yo.
- Nou konprann poukisa fanmi yo ta remmen gen plis detay de menas sa yo, men de tout fason, nou bezwen pasyans ak konpreyansyon w. N ap pataje tout enfòmasyon nou kapab pataje san nou pa afekte envestigasyon an.

Kisa w ka fè:

1. **Silvooplè konprann fason fanmi ou ka rete enfòme.** Na p kontinye travay an kolaborasyon pou nou detèmine prekosyon sekirite ki nesesè lekòl yo, e n ap fè fanmi yo konnen atravè imèl Lekòl Piblik Cambridge la, sit entènèt, applikasyon telefòn pòtab ak/oubyen telefòn.
2. **Si oumenm oubyen nenpòt moun ou konnen gen nenpòt enfòmasyon avèk koneksyon menas imèl yo, te remake nenpòt konpòtman ki te parèt sispèk, oubyen gen nenpòt enfòmasyon pou ofisyé polis yo, silvooplè pa ezite rele Depatman Lapolis Cambridge nan 617-349-3300 (si se pa ijan) oubyen 911 (si se ijan).**
3. **Eseye kalme w.** Bagay ki enkyetan sè ke menm lè lapolis pa jwenn anyen ki parèt dwòl, nenpòt menas rete endetèmine jiskaske yo jwenn oriin li.
4. **Pran swen tèt ou, timoun ou, epi pran swen yonn lòt.** Pandan ke pa gen oken pwoblèm pou nou rapòte jiskela, se yon epòk ki difisil nan lemond. Nou tout dwe travay ansanm pou nou sipòte byennèt emosyonèl timoun yo, fanmi, anplwaye, ak tout manb kominote nou an. W ap jwenn konsèy pou fanmi nan entènèt nan www.cpsd.us.

Mèsi paske w fè pati de tout sa ki pi bon nan Vil Cambridge.